



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՏՆՏԵՍԱԿԱՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՊԵՏԱԿԱՆ ՀԱՆՁՆԱԺՈՂՈՎ
ԱՇԽԱՏԱԿԱԶՄԻ ՂԵԿԱՎԱՐ

Հայաստանի Հանրապետություն, 0010, ք. Երևան, Միեր Մկրտչյան 5^ր, հեռ.՝ (+374 10) 54 56 37, ֆաքս (+374 10) 54 39 85
Էլ-փոստ՝ info@competition.am, վեբ կայք՝ http://www.competition.am

«11» 06 2018թ.

No ՄՄ-631

«Ալեքս Գրիգ» սահմանափակ
պատասխանատվությամբ ընկերությանը
(հասցե՝ ք. Երևան, Տիգրանյի 3ն., 2/2)

Ձեզ է տրամադրվում Հայաստանի Հանրապետության տնտեսական մրցակցության պաշտպանության պետական հանձնաժողովի (այսուհետ՝ Հանձնաժողով) 2018 թվականի հունիսի 6-ի «Նեմիրոֆ Ինթելեքթուալ Փրոփերթի Իսթեբլիշմենթ» ընկերության 2017 թվականի դեկտեմբերի 19-ի վարչական բողոքի հիման վրա հարուցված վարչական վարույթի իրականացման ժամկետի ընթացքը կասեցնելու մասին» թիվ 71-Ա որոշման պատճենը:

Հայաստանի Հանրապետության տնտեսական մրցակցության պաշտպանության պետական հանձնաժողովը (այսուհետ՝ Հանձնաժողով) սույնով ծանուցում է «Ալեքս Գրիգ» սահմանափակ պատասխանատվությամբ ընկերությանը (այսուհետ՝ Ընկերություն) առ այն, որ 2018 թվականի հունիսի 27-ին ժամը 11⁰⁰-ին Հանձնաժողովի գտնվելու վայրում (քաղաք Երևան, Մ. Մկրտչյան 5բ, 5-րդ հարկ) տեղի է ունենալու Հանձնաժողովի նիստ, որի ընթացքում քննարկվելու է Հանձնաժողովի 2017 թվականի նոյեմբերի 28-ի «Ալեքս Հոլդինգ» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին» թիվ 290-Ա որոշման դեմ ներկայացված «Նեմիրոֆ Ինթելեքթուալ Փրոփերթի Իսթեբլիշմենթ» ընկերության 2017 թվականի դեկտեմբերի 19-ի վարչական բողոքի մասին հարցը:

Ընկերությունն իրավունք ունի մասնակցելու Հանձնաժողովի նիստին համապատասխան լիազորություններ ունեցող ներկայացուցիչների միջոցով՝ լիազորությունները հավաստող փաստաթղթերի առկայության դեպքում (անձը հաստատող փաստաթուղթ, լիազորագիր և այլն):

Ծանուցված անձանց չներկայանալը չի խոչընդոտում քննարկման անցկացմանը և որոշումների ընդունմանը:

Առդիր՝ «5» թերթ:

Պաշտոնակատար՝

Մանուկ Միքայելյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՊԵՏԱԿԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

6 հունիսի 2018 թվականի
թիվ 71-Ա, քաղաք Երևան

«ՆԵՄԻՐՈՖ ԻՆԹԵԼԵԲԹՅՈՒՆԸ ՓՐՈՓԸՐԹԻ ԻՍԹԵՔԼԻՇՄՆԹ»

ԸՆԿԵՐՈՒԹՅԱՆ 2017 ԹՎԱԿԱՆԻ ԴԵԿՏԵՄԲԵՐԻ 19-Ի ՎԱՐՉԱԿԱՆ ԲՈՂՈՔԻ ՀԻՄԱՆ
ՎՐԱ ՀԱՐՈՒՑՎԱԾ ՎԱՐՉԱԿԱՆ ՎԱՐՈՒՅԹԻ ԻՐԱԿԱՆԱՑՄԱՆ ԺԱՄԿԵՏԻ ԸՆԹԱՑՔԸ
ԿԱՍԵՑՆԵԼՈՒ ՄԱՍԻՆ

Հայաստանի Հանրապետության տնտեսական մրցակցության պաշտպանության պետական հանձնաժողովը (այսուհետ՝ Հանձնաժողով) 2018 թվականի հունիսի 6-ի դռնբաց նիստում քննարկեց «Նեմիրոֆ Ինթելեբթյուրլ Փրոփըրթի Իսթեքլիշմնթ» ընկերության (այսուհետ նաև՝ Ընկերություն) կողմից 2017 թվականի դեկտեմբերի 19-ին ներկայացված վարչական բողոքի հիման վրա հարուցված վարչական վարույթի իրականացման ժամկետի ընթացքը կասեցնելու մասին հարցը:

Քննարկման արդյունքում Հանձնաժողովն ամրագրեց հետևյալը:

Հանձնաժողովն Ընկերությունից 2017 թվականի օգոստոսի 30-ին ստացել է դիմում (այսուհետ՝ Դիմում), որի հիման վրա հարուցվել է վարչական վարույթ: Դիմումով Ընկերությունը խնդրել է Հանձնաժողովին հարուցել վարչական վարույթ՝ «Ալեքս Գրիգ», «Ալեքս Հոլդինգ» և «Ա և Գ» սահմանափակ պատասխանատվությամբ ընկերությունների կողմից կատարված անբարեխիղճ մրցակցության գործողությունների համար պատասխանատվության միջոցներ կիրառելու նպատակով:

Հանձնաժողովի 2017 թվականի նոյեմբերի 28-ի «Ալեքս Հոլդինգ» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին» թիվ 290-Ա որոշմամբ (այսուհետ նաև՝ թիվ 290-Ա որոշում) «Ալեքս Հոլդինգ» սահմանափակ պատասխանատվությամբ ընկերության (այսուհետ՝ «Ալեքս Հոլդինգ» ընկերություն) կողմից «NEMIROFF» («ՆԵՄԻՐՈՖ») հանրահայտ ապրանքային նշանին նույնական և «МЕДОВА З ПЕРЦЕМ НАСТОЯНКА N NEMIROFF MEDOVA Z PERTSEM NASTOYANKA», գրանցման համարը՝ 13160, «БЕРЕЗОВА ГОРИЛКА ОСОБЛИВА N NEMIROFF BEREZOVA GORILKA OSOBLIVA», գրանցման համարը՝ 13161, «ПШЕНИЦЯ ВИДБИРНА ГОРИЛКА ОСОБЛИВА N NEMIROFF PSHENITSYA VIDBIRNA GORILKA OSOBLIVA», գրանցման համարը՝ 13162, «МИЦНА ГОРИЛКА ОСОБЛИВА N NEMIROFF 50 MITSNA GORILKA OSOBLIVA PREMIUM BRAND», գրանցման համարը՝ 13163, «N DISTILLED AND BOTTLED BY NEMIROFF 1872», գրանցման համարը՝ 13310, «ЖИТНЯ З МЕДОМ НЕМИРОВЪ N NEMIROFF ZHITNYA Z MEDOM NASTOYANKA NEMIROV GURALNYA», գրանցման համարը՝ 13169, «КЛЮКВА N NEMIROFF KLYUKVA PREMIUM BRAND», գրանցման համարը՝ 13170, «ГОРИЛКА ОСОБЛИВА N NEMIROFF LIGHT GORILKA OSOBLIVA PREMIUM BRAND», գրանցման համարը՝ 13171, «МИР MIR NEMIROFF», գրանցման համարը՝ 14104, «ПШЕНИЦЯ ВИДБИРНА PSHENITSYA VIDBIRNA NEMIROFF», գրանցման համարը՝ 14106, «НАСТОЯНКА ЛИМОН NASTOYANKA LIMON NEMIROFF», գրանցման համարը՝ 14107, «РЖАНАЯ ОТБОРНАЯ RZHANAYA OTBORNAYA NEMIROFF», գրանցման համարը՝ 14108, «ГОРИЛКА GORILKA NEMIROFF», գրանցման համարը՝ 14109, «ПШЕНИЦА ОТБОРНАЯ PSHENITSA OTBORNAYA NEMIROFF», գրանցման համարը՝ 14110 եապրանքային նշաններին շփոթության աստիճանի նման «NEMIROFF» («ՆԵՄԻՐՈՖ») ապրանքային նշանի օգտագործումը որակվել է որպես տնտեսվարող սուբյեկտի, նրա գործունեության կամ առաջարկած ապրանքների նկատմամբ շփոթության

առաջացում՝ անբարեխիղճ մրցակցության գործողություն: «Ալեքս Հոլդինգ» ընկերության նկատմամբ կիրառվել է պատասխանատվության միջոց՝ նախազգուշացում:

Միաժամանակ, թիվ 290-Ա որոշմամբ եզրափակված վարչական վարույթի ընթացքում Հայաստանի Հանրապետության արդարադատության նախարարության իրավաբանական անձանց պետական ռեգիստրի տվյալների ուսումնասիրության արդյունքում պարզվել է, որ «Ա և Գ» սահմանափակ պատասխանատվությամբ ընկերությունը (այսուհետ՝ «Ա և Գ» ընկերություն) 2017 թվականի նոյեմբերի 9-ին լուծարվել է: Հաշվի առնելով նշվածը՝ Հանձնաժողովը թիվ 290-Ա որոշմամբ չի անդրադարձել «Ա և Գ» ընկերության կողմից հնարավոր անբարեխիղճ մրցակցության գործողություն թույլ տալու հանգամանքին:

Հանձնաժողովը 2017 թվականի դեկտեմբերի 19-ին Ընկերությունից ստացել է վարչական բողոք, որով Ընկերությունը խնդրել է անվավեր ճանաչել թիվ 290-Ա որոշումը, վերսկսել վարչական վարույթը, «Ալեքս Գրիգ», «Ալկո Իմպորտ Էքսպորտ», «Ա և Գ» ու «Ալեքս Հոլդինգ» սահմանափակ պատասխանատվությամբ ընկերություններին և «Երևան Սիթի» սուպերմարկետների առևտրային ցանցին ճանաչել անձանց խումբ և վերջիններիս նկատմամբ անբարեխիղճ մրցակցության համար կիրառել առավելագույն չափով տուգանք, ինչպես նաև կասեցնել վարչական վարույթի ընթացքը մինչև «Ա և Գ» ընկերության լուծարման պետական գրանցման վիճարկման արդյունքում կայացվող որոշումը, «Ա և Գ» ընկերությանը (կամ անձանց խմբին) պատասխանատվության ենթարկել Հանձնաժողովին ոչ հավաստի տեղեկատվություն տրամադրելու հիմքով:

Վարչական բողոքի հիման վրա հարուցված վարչական վարույթի շրջանակներում՝ 2018 թվականի հունվարի 31-ին տեղի է ունեցել Հանձնաժողովի դռնբաց նիստ՝ վարչական բողոքի հիման վրա հարուցված վարչական վարույթի փաստական հանգամանքների վերաբերյալ հարցը քննարկելու նպատակով: Նիստին մասնակցել են նաև Ընկերության և «Ալեքս Հոլդինգ» ընկերության ներկայացուցիչները, որոնք արտահայտել են իրենց դիրքորոշումները: Ընկերության ներկայացուցիչը նիստի ընթացքում նշել է, որ «Ա և Գ» ընկերության լուծարման պետական գրանցումն անվավեր ճանաչելու մասին բողոքի հիման վրա հարուցված վարչական վարույթի ժամկետը տասը օրով երկարաձգվել է: Ընկերության ներկայացուցիչը նշել է, որ «Ա և Գ» ընկերության լուծարման պետական գրանցումն անվավեր ճանաչելու մասին բողոքի հիման վրա հարուցված վարչական վարույթի արդյունքում կայացվելիք Հայաստանի Հանրապետության արդարադատության նախարարի որոշումը կարող է ազդել Հանձնաժողովի կողմից վարչական բողոքի հիման վրա հարուցված վարչական վարույթի արդյունքում կայացվելիք վարչական ակտի ընդունման վրա: Հետևաբար, Ընկերությունը խնդրել է Հանձնաժողովին սպասել մինչև Հայաստանի Հանրապետության արդարադատության նախարարի կողմից վարչական ակտի կայացումը:

Հանձնաժողովը 2018 թվականի փետրվարի 7-ին Ընկերությունից ստացել է գրություն, որում Ընկերությունը նշել է, որ Հանձնաժողովի կողմից ևս մեկ նիստ հրավիրելու անհրաժեշտությունը բացակայում է, Ընկերությունը պնդում է իր դիրքորոշումը և գտնում, որ «Ալեքս Հոլդինգ» և «Ա և Գ» ընկերությունները Հանձնաժողովի կողմից պետք է ենթարկվեն վարչական պատասխանատվության դրամական տուգանքի առավելագույն չափով: Ընկերությունն իր գրությանը կից ներկայացրել է Հայաստանի Հանրապետության արդարադատության նախարարի 2018 թվականի հունվարի 26-ի «Վարչական բողոքը բավարարելու մասին» որոշման պատճենը, որով 2017 թվականի նոյեմբերի 9-ին կատարված «Ա և Գ» ընկերության լուծարման պետական գրանցումն անվավեր ճանաչելու մասին Ընկերության բողոքը Հայաստանի Հանրապետության արդարադատության նախարարի կողմից բավարարվել է, Հայաստանի Հանրապետության արդարադատության նախարարության աշխատակազմի իրավաբանական անձանց գրանցման պետական ռեգիստրի գործակալությանը հանձնարարվել է «Ա և Գ» ընկերության լուծարման պետական գրանցման վարույթը կասեցնել մինչև կասեցման համար հիմք հանդիսացող հանգամանքների վերացումը: Ընդ որում, Հայաստանի Հանրապետության արդարադատության նախարարի վերը նշված որոշումը դեռևս չէր դարձել անբողոքարկելի:

Այսպիսով, հաշվի առնելով այն հանգամանքները, որ Ընկերության 2017 թվականի օգոստոսի 30-ի դիմումը վերաբերում էր նաև «Ա և Գ» ընկերության կողմից Օրենքի հնարավոր խախտում թույլ տալու հանգամանքին, իսկ Հայաստանի Հանրապետության

արդարադատության նախարարի 2018 թվականի հունվարի 26-ի «Վարչական բողոքը բավարարելու մասին» որոշմամբ 2017 թվականի նոյեմբերի 9-ին կատարված «Ա և Գ» ընկերության լուծարման պետական գրանցումն անվավեր ճանաչելու մասին Ընկերության բողոքը Հայաստանի Հանրապետության արդարադատության նախարարի կողմից բավարարվել էր, իսկ վերը նշված որոշումը չէր դարձել անբողոքարկելի, ուստի անհնար էր վարչական բողոքի հիման վրա հարուցված վարչական վարույթի իրականացումը մինչև Հայաստանի Հանրապետության արդարադատության նախարարի 2018 թվականի հունվարի 26-ի «Վարչական բողոքը բավարարելու մասին» որոշման անբողոքարկելի դառնալը, ուստի անհրաժեշտություն էր առաջացել կասեցնել վարչական վարույթի իրականացման ժամկետի ընթացքը:

Հետևաբար, Հանձնաժողովի 2018 թվականի փետրվարի 12-ի «Նեմիրոֆ Ինթելեքթուալ Փրոփերթի Իսթեբլիշմենթ» ընկերության 2017 թվականի դեկտեմբերի 19-ի վարչական բողոքի հիման վրա հարուցված վարչական վարույթի իրականացման ժամկետի ընթացքը կասեցնելու մասին» թիվ 19-Ա որոշմամբ կասեցրել է վարչական վարույթի իրականացման ժամկետի ընթացքը:

Հանձնաժողովի նախագահի 2018 թվականի ապրիլի 25-ի թիվ ԱՇ/2.3-35/254-18 գրությամբ Հանձնաժողովը դիմել է Հայաստանի Հանրապետության արդարադատության նախարարությանը՝ խնդրելով Հանձնաժողով ներկայացնել տեղեկատվություն այն մասին, թե արդյոք ներկայումս «Ա և Գ» սահմանափակ պատասխանատվությամբ ընկերությունը համարվում է չլուծարված, արդյոք Հայաստանի Հանրապետության արդարադատության նախարարի 2018 թվականի հունվարի 26-ի «Վարչական բողոքը բավարարելու մասին» որոշումը օրենսդրությամբ սահմանված ժամկետներում և կարգով բողոքարկվել է, եթե ոչ՝ նշելով որոշման անբողոքարկելի դառնալու ամսաթիվը:

Հայաստանի Հանրապետության արդարադատության նախարարը 2018 թվականի մայիսի 3-ի թիվ 01/15/54343-18 գրությամբ նշել է, որ «Ա և Գ» ընկերության լուծարող Իռա Խաչատրյանը, «Ա և Գ» ընկերության տնօրեն Էդուարդ Տոնոյանը և Ընկերության ներկայացուցիչ Սուրեն Գրիգորյանը Հայաստանի Հանրապետության արդարադատության նախարարի վերը նշված որոշումը ստացել են համապատասխանաբար 2018 թվականի փետրվարի 2-ին, 2018 թվականի փետրվարի 1-ին և 2018 թվականի փետրվարի 1-ին, իսկ վերոնշյալ վարչական ակտի բողոքարկված լինելու վերաբերյալ Հայաստանի Հանրապետության արդարադատության նախարարությունը տեղեկություններ չունի: Հայաստանի Հանրապետության արդարադատության նախարարը նշել է նաև, որ համաձայն իրավաբանական անձանց պետական միասնական գրանցամատյանում առկա տեղեկությունների՝ «Ա և Գ» ընկերությունը լուծարված չէ, այլ գտնվում է լուծարման գործընթացում:

Հարկ է նշել նաև, որ «Datalex.am» դատական տեղեկատվական համակարգում Հայաստանի Հանրապետության արդարադատության նախարարի վերը նշված որոշման դատական կարգով բողոքարկման վերաբերյալ տեղեկությունները բացակայում էին:

Հաշվի առնելով այն հանգամանքը, որ Հայաստանի Հանրապետության արդարադատության նախարարի 2018 թվականի հունվարի 26-ի «Վարչական բողոքը բավարարելու մասին» որոշմամբ 2017 թվականի նոյեմբերի 9-ին կատարված «Ա և Գ» ընկերության լուծարման պետական գրանցումն անվավեր ճանաչելու մասին Ընկերության բողոքը Հայաստանի Հանրապետության արդարադատության նախարարի կողմից բավարարվել էր, «Ա և Գ» ընկերությունը լուծարված չէր, իսկ վերը նշված որոշումը դարձել էր անբողոքարկելի, ուստի վերացել էին վարչական վարույթի կասեցման համար հիմք հանդիսացած հանգամանքները, Հանձնաժողովի 2018 թվականի մայիսի 4-ի «Նեմիրոֆ Ինթելեքթուալ Փրոփերթի Իսթեբլիշմենթ» ընկերության 2017 թվականի դեկտեմբերի 19-ի վարչական բողոքի հիման վրա հարուցված վարչական վարույթը վերսկսելու մասին» թիվ 54-Ա որոշմամբ վերսկսել է վարչական վարույթը:

2018 թվականի մայիսի 16-ին տեղի է ունեցել Հանձնաժողովի դռնբաց նիստ՝ վարչական բողոքի հիման վրա հարուցված վարչական վարույթի փաստական հանգամանքների վերաբերյալ հարցը քննարկելու նպատակով: Հանձնաժողովի նիստին մասնակցել են

Ընկերության և «Ալեքս Հոլդինգ» ընկերության ներկայացուցիչները, որոնք արտահայտել են իրենց իրավական դիրքորոշումները: Միաժամանակ, նիստի ընթացքում Ընկերության ներկայացուցիչը ներկայացրել է «Український мед» անվանումով 0,5 լիտր տարողությամբ օղու շիշ որի վրա փակցված ինքնակաշուն պիտակի համաձայն՝ նշված օղու արտադրողն է հանդիսանում «Ալկո Իմպորտ Էքսպորտ» ընկերությունը: Նշված շիշի հետին մասի պիտակի ստորին ձախ հատվածում սև ներկով փակված է տեղեկատվություն: Այդ շիշի և վարչական վարույթի ընթացքում ձեռք բերված «Український мед» անվանումով 0.5 լ և (կամ) 0.7 լ տարողությամբ օղու շշերի համեմատության արդյունքում պարզ է դառնում, որ փակված հատվածում նշված է տեղեկատվություն հետևյալ բովանդակությամբ՝ «Արտադրող՝ «Ա և Գ» ՍՊԸ»:

Հանձնաժողովի նախագահի 2018 թվականի մայիսի 18-ի թիվ ԱՇ-457 գրությամբ Հանձնաժողովը դիմել է «Ա և Գ» ընկերությանը՝ պահանջելով ներկայացնել տեղեկատվություն «Ա և Գ» ընկերության կողմից օղիների արտադրության վայրի հասցեի վերաբերյալ, «Ա և Գ» ընկերության կողմից «Ալկո Իմպորտ Էքսպորտ» ընկերությանը ակտիվների, պաշարների և (կամ) գույքի իրացման վերաբերյալ՝ առկայության դեպքում կցելով համապատասխան փաստաթղթերի պատճենները, «Ա և Գ» ընկերության կողմից «Ալկո Իմպորտ Էքսպորտ» ընկերությանը «Український мед» անվանումով օղու իրացման վերաբերյալ՝ առկայության դեպքում կցելով իրացումը հիմնավորող փաստաթղթերի (հարկային հաշիվներ, հաշիվ-ապրանքագրեր և այլն) պատճենները:

Հանձնաժողովը Հանձնաժողովի նախագահի 2018 թվականի մայիսի 18-ի թիվ ԱՇ-459 գրությամբ դիմել է «Ալկո Իմպորտ Էքսպորտ» ընկերությանը՝ ներկայացնելու տեղեկատվություն «Ալկո Իմպորտ Էքսպորտ» ընկերության և «Ա և Գ» ընկերության հնարավոր փոխկապակցվածության վերաբերյալ, «Ալկո Իմպորտ Էքսպորտ» ընկերության կողմից «Ա և Գ» ընկերությունից ակտիվների, պաշարների և (կամ) գույքի ձեռքբերման վերաբերյալ (առկայության դեպքում՝ կցելով համապատասխան փաստաթղթերի պատճենները), «Ալկո Իմպորտ Էքսպորտ» ընկերության կողմից արտադրվող «Український мед» անվանումով օղու շշերի պիտակների ձեռքբերումը հիմնավորող փաստաթղթերի (հարկային հաշիվներ, հաշիվ-ապրանքագրեր և այլն) պատճենները: «Ալկո Իմպորտ Էքսպորտ» ընկերությունը, ի պատասխան նշված գրության, 2018 թվականի մայիսի 21-ի գրությամբ նշել է, որ «Ա և Գ» ընկերության հետ որևէ փոխկապակցվածություն չունի, և «Ալկո Իմպորտ Էքսպորտ» և «Ա և Գ» ընկերությունները հանդիսանում են տարբեր իրավաբանական անձինք: Բացի այդ «Ալկո Իմպորտ Էքսպորտ» ընկերությունը ներկայացրել է ապրանքների մատակարարման հարկային հաշիվներ, որոնց համաձայն՝ «Ալկո Իմպորտ Էքսպորտ» ընկերությունը «Ա և Գ» ընկերությունից ձեռք է բերել պիտակներ և պլաստմասե խցաններ:

Հանձնաժողովը 2018 թվականի հունիսի 1-ին Ընկերությունից ստացել է դիմում, որով Ընկերությունը խնդրել է հետաձգել 2018 թվականի հունիսի 1-ին նշանակված Հանձնաժողովի նիստը և այն նշանակել 2018 թվականի հունիսի 6-ին: Ընկերությունը հայտնել է, որ տվյալ պահին Ընկերության և «Ալեքս Հոլդինգ» և «Ա և Գ» ընկերությունների միջև ընթանում են բանակցություններ, որոնց նպատակն է երկկողմանի շահավետ համաձայնության ձեռքբերումը, որի արդյունքում մի կողմից ընկերությունները չեն ենթարկվի այնպիսի տուգանքի, որը կարող է ազդել նրանց բնականոն գործունեության վրա, իսկ մյուս կողմից Ընկերությունը կստանա հուսալի երաշխիք, որ հետագայում Ընկերությանը պատկանող ապրանքային նշանի խախտման դեպքերը չեն կրկնվի: Ընկերությունը նշել է, որ բանակցությունների արդյունքում համաձայնության ձեռքբերման դեպքում Ընկերության կողմից կներկայացվի վարչական վարույթը կարճելու վերաբերյալ դիմում:

2018 թվականի հունիսի 1-ին տեղի է ունեցել Հանձնաժողովի դռնբաց նիստ: Նիստին մասնակցել է Ընկերության ներկայացուցիչը, իսկ «Ա և Գ», «Ալեքս Հոլդինգ», «Ալեքս Գրիգ» և «Ալկո Իմպորտ Էքսպորտ» սահմանափակ պատասխանատվությամբ ընկերությունները, սլաուշաճ ծանուցված լինելով Հանձնաժողովի նիստի վայրի և ժամանակի մասին, չեն մասնակցել: Ընկերության ներկայացուցիչը պնդել է 2018 թվականի հունիսի 1-ին Հանձնաժողով ներկայացված դիմումը և խնդրել է հետաձգել նիստը և այն նշանակել 2018 թվականի հունիսի 6-ին: Հաշվի առնելով նշվածը՝ Հանձնաժողովը բավարարել է Ընկերության միջնորդությունը, և Հանձնաժողովի նիստը նշանակվել է 2018 թվականի հունիսի 6-ին:

Ընկերությունը և «Ալեքս Հոլդինգ» ընկերությունը պատշաճ ծանուցվել են 2018 թվականի հունիսի 6-ին կայանալիք նիստի մասին, մինչդեռ «Ա և Գ», «Ալեքս Գրիգ», «Ալկո Իմպորտ Էքսպորտ» սահմանափակ պատասխանատվությամբ ընկերություններին ուղարկված Հանձնաժողովի 2018 թվականի հունիսի 6-ի նիստի վերաբերյալ ծանուցումները (Հանձնաժողովի նախագահի թիվ ՄՄ-601, ՄՄ-602, ՄՄ-603, ՄՄ-604 գրություններ) հետ են վերադարձվել 2018 թվականի հունիսի 6-ին:

«Տնտեսական մրցակցության պաշտպանության մասին» օրենքի (այսուհետ՝ Օրենք) 4-րդ հոդվածի համաձայն՝ վարչական (իրավական) ակտի կամ այլ փաստաթղթի հանձնում է համարվում թղթակցությունը հասցեատիրոջ գտնվելու, բնակվելու կամ գործունեության վայրի կամ փոստային հասցեով կամ նրա նշած այլ հասցեով պատվիրված նամակով ուղարկելը կամ առձեռն հանձնելը կամ հաղորդագրության ձևակերպումն ապահովող կապի այլ միջոցների օգտագործմամբ ուղարկելը կամ պատշաճ այլ ձևով հանձնելը: Այն դեպքում, երբ հասցեատերը հրաժարվում է սույն պարբերությունում նշված վայրի կամ փոստային հասցեով ուղարկված թղթակցությունն ստանալուց կամ թղթակցության ստացումը հավաստող փաստաթուղթն ստորագրելուց, կամ հասցեատիրոջ բացակայության պատճառով Հանձնաժողովի կողմից պատվիրված նամակով ուղարկված թղթակցությունը վերադարձվում է, ապա թղթակցությունը համարվում է հասցեատիրոջը պատշաճ հանձնված Հանձնաժողովի կողմից <http://www.azdarar.am> հասցեում և (կամ) իր պաշտոնական կայքում հասցեատիրոջը հասցեագրված թղթակցության առկայության և դրա բովանդակությանը ծանոթանալու հնարավորության վերաբերյալ հայտարարություն հրապարակելու օրվան հաջորդող օրվանից հաշված երրորդ օրը:

Հաշվի առնելով այն հանգամանքը, որ վերը նշված ծանուցումները հետ են վերադարձվել 2018 թվականի հունիսի 6-ին, հետևաբար, «Ա և Գ», «Ալեքս Գրիգ» և «Ալկո Իմպորտ Էքսպորտ» սահմանափակ պատասխանատվությամբ ընկերությունները պատշաճ ծանուցված չեն Հանձնաժողովի 2018 թվականի հունիսի 6-ի նիստի վերաբերյալ:

Օրենքի 30-րդ հոդվածի 11-րդ մասի համաձայն՝ հարուցված վարչական վարույթի իրականացման ժամկետի ընթացքը կարող է կասեցվել տնտեսվարող սուբյեկտի, վերջինիս պաշտոնատար անձի կամ իրավասու այլ աշխատակցի բացակայության պատճառով սույն օրենքով նախատեսված թղթակցությունը հանձնելու անհնարինության, Հանձնաժողով փաստաթղթեր կամ այլ տեղեկատվություն չներկայացնելու կամ ոչ հավաստի կամ ոչ ամբողջական տեղեկություններ ներկայացնելու կամ վարույթի իրականացմանն այլ կերպ խոչընդոտելու կամ վարչական վարույթի իրականացումն անհնար դարձնող այլ հանգամանքների առկայության դեպքում:

Այսպիսով, հաշվի առնելով այն հանգամանքը, որ վերը նշված տնտեսվարող սուբյեկտների, վերջիններիս պաշտոնատար անձանց կամ իրավասու այլ աշխատակիցների բացակայության պատճառով հնարավոր չի եղել հանձնել թղթակցությունը, ուստի անհնար է սույն վարչական վարույթի իրականացումը: Հետևաբար, անհրաժեշտություն է առաջացել կասեցնել վարչական վարույթի իրականացման ժամկետի ընթացքը, որպեսզի ապահովվի «Ա և Գ», «Ալեքս Գրիգ» և «Ալկո Իմպորտ Էքսպորտ» սահմանափակ պատասխանատվությամբ ընկերությունների պատշաճ ծանուցումը:

Ելնելով վերոգրյալից և հիմք ընդունելով Օրենքի 19-րդ հոդվածի 1-ին մասի «ա» և «բ» կետերը, 30-րդ հոդվածի 11-րդ մասը՝ Հանձնաժողովը՝

ո ր ո շ ու մ է

1. Կասեցնել «Նեմիրոֆ Ինթելեքթուալ Փրոփերթի Ինվեսթիցիոն» ընկերության 2017 թվականի դեկտեմբերի 19-ի վարչական բողոքի հիման վրա հարուցված վարչական վարույթի իրականացման ժամկետի ընթացքը:

2. Սույն որոշումն ուժի մեջ է մտնում դրա ընդունման պահից:

ՆԱԽԱԳԱՀ

